



# Bases

Xixon | Cultura y Educación

El concursu Xixon Fala en 3 va consistir nuna competición, n'asturianu dafechu, onde se va presentar un tema, una idea, una investigación, un proyeutu, un problema social, etc. con munchu procuru y cola mayor calidá llingüística posible énte un públicu non especializao, xeneralista y vario.

Los temes a tratar nel concursu van tener un rexistru cultu o académicu: hai que lu respetar y preparar el tema acordies con ello.

Esti concursu ofrez a la ciudadanía una ocasión única pa perfeicionar les sos aptitúes de comunicación n'asturianu, pa emplegar l'asturianu en cualesquier estaya y rexistru y pa participar nun eventu col que van algamase cotes altes de prestixu y normalización en tola comunidá asturfalante.

No que cinca al públicu, ye una perbona manera d'abrir mires y d'averase a un conocimientu, anque seya esbozáu, de temes mui estremaos.

🕒 Van poder presentase a esti concursu persones mayores d'edá (nos apartaos A y B) y persones d'ente 14 y 18 años (nel apartáu C), **con esplicaciones comunicatives curties d'estremáu calter** y que respundan al enfotu del concursu.

🕒 La presentación del tema habrá ser **individual**.

🕒 Cada participante habrá esponer el tema en **3 minutos esautos**, d'una manera clara y concisa.

🕒 La presentación habrá ser **dafechu n'asturianu** y habrá emplegase un **rexistru cultu**.

🕒 Los temes que se van presentar divídense en **tres estayes**:

**A.** Temes venceyaos a la **cultura y la realidá asturiana** (por exemplu: antroploxía, toponimia, baille, historia, sociollingüística, reconversión industrial, nueves formes de turismu y perspeutives de futuru, etc.).

**B. Temes de divulgación**, non venceyaos únicamente a Asturias (por exemplu: vida intelixente n'otros planetes, homeopatía y pseudociencia, crianza con apegu, enerxíes renovables y cambiu climáticu, etc.).

**C. La mocedá fala en 3:** apartáu nel que les persones de 14 a 18 años (dambos incluyíos) pueden presentartemes tanto de cultura y realidá asturiana como de divulgación.

🕒 Tien qu'haber un **mínimu de 3 participantes** inscrites pa qu'una **estaya** se lleve alantre; sinón, va declarase **erma**.

Xixon | Cultura y Educación

# Bases



- 🕒 La participación nesti concursu ye **de baldre** y supón l'aceutación de tolos puntos incluyíos nestes bases.
- 🕒 Cada participante puede presentar **un únicu tema**.
- 🕒 Les persones que quieran participar habrán presentar la **solicitú de participación**, formalizada d'aluerdu col **formulariu** que s'axunta como Anexu a estes bases, nel **Rexistru Electrónicu** operativu les 24 hores del día, nel Rexistru de la Fundación Municipal de Cultura, Educación y Universidá Popular (C/Xovellanos, 21 baxu, Xixón, 33201 n'horariu de llunes a viernes de 9.00 a 14.00 hores) o na Rede Municipal d'Oficines d'Atención a la Ciudadanía del Conceyu de Xixón, amás de nos sitios conseñaos nel artículu 16.4 de la Llei 39/2015, de 1 d'ochobre del procedimientu alministrativu común de les alministraciones públiques (BOE 2/10/2015).
- 🕒 El plazu de presentación de solicitúes pa participar nel concursu ábrese'l **13 de marzu** y remata'l **13 d'abril de 2023 a les 00.00 h.**
- 🕒 Van ser **automáticamente descalificaos** pol comité organizador los **temes** que faigan apoloxía del racismu, de la xenofobia, de la violencia de cualesquier triba, de delitos de cualesquier tipu o que discriminen a otres persones por mor de sexu, xéneru, identidá, ideoloxía, relixón, minoría étnica o social, etc.
- 🕒 El comité organizador, n'esaminando la solicitú de participación, va comunicar l'**aceutación o denegación** de la mesma a la persona interesada.
- 🕒 L'**actu públicu** de presentación de los temas va ser el **sábadu 22 d'abril** nel **Salón d'Actos del Centru de Cultura Antiguu Institutu (C/Xovellanos, 21)** a les **11.00 hores**.
- 🕒 Va ser **motiv d'esclusión** nel momentu de la presentación del tema:
  - Nun emplegar l'asturianu, nun rexistru cultu, na presentación del tema.
  - Esponer un tema que nun se correspuenda col previamente aprobáu pol comité organizador.
  - Lleer íntegramente'l testu.
  - Pasase del tiempu o nun llegar (si son 15 segundos de más o de menos respetu a los 3 minutos, va penalizase a la hora de les puntuaciones namás).
- 🕒 El **xuráu** va tar formáu pol Conceyal de Cultura de Xixón o persona en quien delegue, un/a representante de l'Academia de la Llingua Asturiana, un/a representante de la Universidá d'Uviéu, un/a representante de Política Llingüística del Principau d'Asturies, una representante de la Oficina de Normalización Llingüística de Xixón y una persona venceyada al mundu de la comunicación. El so fallu va ser irrevocable. El premiu podría quedar ermu, si asina lo decidiera'l xuráu.
- 🕒 El **xuráu va valorar** tanto la calidá espositiva y la capacidá de síntesis como la calidá llingüística, la oratoria y la capacidá de comunicación de les persones participantes.
- 🕒 Les **deliberaciones del xuráu** van tener llugar n'acabándose toles presentaciones de cada estaya, y van ser de calter priváu.
- 🕒 Si la persona participante emplega **hasta 15 segundos de más o de menos** respetu a los 3 minutos que tien pa presentar el tema (esto ye, 3'15" como tiempu máximu y 2'45" como tiempu mínimu) **nun va ser descalificada por ello**. Va quitáse-y un puntu sobre la valoración final del xuráu (la puntuación máximu ye un 10).
- 🕒 Van concedese tres **premios en cada estaya (A, B y C)**:  
1er premiu: 600 €, 2u premiu: 275 € y 3er premiu: 125 €.